

## LINGUA ESTRANXEIRA: PORTUGUÉS (cód. 14)

### PRIMEIRA PREGUNTA (2,5 valores)

1.1. A comprensión do texto e a capacidade que o estudante ten para o sintetizar, indicando a síntese que o condense cunha extensión media de 40 palabras, en cada un dos textos. O título, de non máis de 10 palabras, debe recoller o tema en conxunto ou un aspecto relevante do texto. (0,5 valores)

1.2. Valórase que o estudante ou a estudante coñeza o significado que ten no texto a palabra ou expresións indicadas e que teña capacidade para explicar o seu significado. Non será válida a resposta cando só conteña sinónimos ou tradución para outra lingua.

Cada resposta válida representa 0,10. Concederanse 0,05 valores se a resposta non é clara mais se aproxima bastante do significado que a palabra ou expresións indicadas teñen no texto e o/a alumno/a consegue dar unha explicación do seu significado que non estea completamente errada.

1.3 Debe ser desenvolvido algún dos aspectos vinculados ao texto en forma de disertación cun número recomendado de palabras (125). Con esta cuestión quérese avaliar a capacidade do estudantado para elaborar un xuízo crítico, ben organizado e argumentado, sobre o asunto indicado. Preténdese observar igualmente a súa competencia para expresar eses xuízos nunha composición organizada e cunha expresión lingüística correcta e eficaz. (1,5 valores)

### SEGUNDA PREGUNTA (2,5 valores)

Os mesmos da primeira pregunta.

### TERCEIRA PREGUNTA (2,5 valores)

En función das cuestións gramaticais ofrecidas concederase a cantidade de valores por cada forma correcta gramaticalmente, até un máximo de 2,5 valores, segundo o uso correcto do tempo e o plural que é solicitado.

### CUARTA PREGUNTA (2,5 valores)

Valorarase o uso correcto, no contido e no uso gramatical, das formas propostas: 0, 25 cada uso correcto.

### QUINTA PERGUNTA (2,5 valores)

En función das preguntas ofrecidas:

- a) Preténdese que o estudantado mostre o seu coñecemento dalgunha circunstancia cultural diferencial de países de lingua portuguesa; cantos menos países focados, serán esixidas máis referencias.
- b) Preténdese que o estudantado mostre destreza no uso do portugués, tendo en conta que, no caso, a pregunta pode, perfectamente, dirixirse a estritas vivencias

persoais, sen ser necesario explicitar coñecementos concretos aínda que tamén será valorado o seu coñecemento sobre aspectos da xeografía lingüística do portugués, e/ou dos seus aspectos sociais, políticos, lingüísticos, culturais, económicos, históricos ou actuais.

A índole máis libre desta pregunta visa unha elaboración persoal a partir da posición da/o estudante, onde se valorará fundamentalmente o uso lingüístico na capacidade reflexiva e compositiva. Valorarase até 0,5 a correcta adecuación ao molde expresivo escollido.

#### SEXTA PREGUNTA (2,5 valores)

En función das preguntas ofrecidas:

- a) Preténdese que o estudantado mostre coñecementos básicos da xeografía lingüística do portugués em África e/ou no Brasil, con atención particular ás especificidades de populacións e usos nas áreas escollidas e eventuais contactos con outras linguas.
- b) Preténdese que o estudantado mostre o seu coñecemento de circunstancias sociais, políticas, lingüísticas, culturais, económicas, históricas ou actuais, do desenvolvemento lingüístico e cultural da Galiza e elabore unha reflexión razoada da súa perspectiva na relación da lingua da Galiza e o seu proceso e a súa evolución e estado actuais coa lingua portuguesa e/ou con países de lingua portuguesa. Extensión: mínimo 150 palabras.

A índole máis libre desta pregunta visa unha elaboración persoal a partir da posición da/o estudante, onde se valorará fundamentalmente o uso lingüístico na capacidade reflexiva e compositiva. Valorarase até 0,5 a correcta adecuación ao molde expresivo escollido.

Finalmente, tamén se valorará a corrección lingüística, cando non sexa inherente a unha resposta concreta, polo cal sobre a cualificación global poderán ser descontados até un máximo de 2 puntos por erros:

- A. Moi graves: solucións alleas ao sistema lingüístico do portugués. Descontaranse 0,2 puntos.
- B. Graves: solucións ortográficas contrarias ás normas lingüísticas utilizadas. Acentuación diacrítica. Descontaranse 0,1 puntos.
- C. Leves: solucións alleas aos diferentes estándares vixentes. Acentuación non diacrítica. Penalizaranse con 0,05 puntos.